

ACTA DA SESIÓN ORDINARIA DO PLENO DO CONCELLO CELEBRADA EN DATA 26 DE XANEIRO DE 2017

ASISTENTES:

Alcalde-Presidente:

D. Ángel Alvariño Saavedra (PSG-PSOE)

Sres./as. Concelleiros/as:

D^a. Ana Rosa Pena Barcia (PSG-PSOE)

D. Gonzalo Ferreiro Rego (ídem)

D^a. María Begoña Balsa Alonso (ídem)

D. Ángel Salvador García Cordero (ídem)

D. José Ignacio Cabezón Lorenzo (PP)

D. Roberto Rey Fernández (ídem)

D^a. María Carmen Insua Cabanas (ídem)

D. Juan Carlos Pita Galego (MOVENEDA)

D. Carlos Caaveiro Puentes (ídem)

D^a. Cristina Bouza Bellón (BNG-Grupo Mixto)

D. Antonio Seijo Martínez (CG-Grupo Mixto)

Na Casa do Concello da Vila de Neda, sendo as dezanove horas do día vinteseis de xaneiro do ano dous mil dezasete, convocado en forma regulamentaria, reúnese en primeira convocatoria, baixo a presidencia do Sr. Alcalde D. Ángel Alvariño Saavedra, en sesión de carácter ordinario, o Pleno do Concello, ao cal asisten os concelleiros e concelleiras que na marxe se relacionan, escusando a súa asistencia a concelleira do PP, D^a. Montserrat Rico López. Actúa como Secretario o titular deste Concello de Neda, D. Alejandro R. Antelo Martínez.

Asiste igualmente a Interventora desta entidade, D^a. Ana M^a. Prieto Martínez.

Sendo a hora sinalada e co *quórum* regulamentario a Presidencia acorda dar comezo á sesión, pasándose ao estudo dos asuntos incluídos na orde do día cursada xunto coa convocatoria, adoptándose, en relación cos mesmos, os acordos que pola mesma orde se pasan a consignar.

1º.- APROBACIÓN DA ACTA DA SESIÓN ANTERIOR CELEBRADA EN DATA 24/11/2016

O Pleno, en votación ordinaria e por unanimidade dos asistentes (12 votos) procede á aprobación da citada acta.

2º.- DACIÓN DE CONTA DOS DECRETOS DA ALCALDÍA 25/2016 ATA O 29/2016

O Pleno toma coñecemento dos Decretos da Alcaldía 28/2016 e 29/2016 copia dos cales figuran a disposición dos concelleiros/as xunto coa documentación do presente Pleno.

3º.- NOMEAMENTO DE REPRESENTANTE NO I.E.S. FERNANDO ESQUÍO

Vista a solicitude efectuada pola Directora do IES Fernando Esquí, relativa á designación de representante do Concello no Consello Escolar do Centro, e visto o ditame emitido pola Comisión Informativa de Asuntos do Pleno en sesión ordinaria de 16 de xaneiro de 2017, o Pleno en votación ordinaria e por unanimidade dos asistentes (12 votos) acorda o nomeamento da concelleira D^a. Cristina Bouza Bellón, que ostenta as delegacións da alcaldía en materia de educación, como representante municipal no citado Consello Escolar do IES Fernando Esquí.

4º.- MOCIÓN DO GRUPO MUNICIPAL DO PSdeG-PSOE SOBRE A REINVERSIÓN DO SUPERÁVIT

A portavoz da moción, Sra. Pena Barcia, da lectura á moción do seguinte tenor literal:

“De acordo co previsto no Regulamento de Organización, Funcionamento e Réxime Xurídico das Entidades Locais, o Grupo Municipal Socialista do Concello de Neda desexa someter á consideración do Pleno a seguinte **Moción**

EXPOSICIÓN DE MOTIVOS

A Lei Orgánica de Estabilidade Orzamentaria e Sustentabilidade Financeira (LOEPSF) recolle as tres regras fiscais de obrigado cumprimento: estabilidade orzamentaria, débeda pública e regra de gasto.

O artigo 11.4 da LOPESF sinala que “as Corporacións Locais deberán manter unha posición de equilibrio ou superávit orzamentario”, mentres que o art. 32, referido ao destino do superávit, sinala que “este destinarase a reducir o nivel de endebedamento”.

A lei 9/2013 de débeda comercial, modificou a lei para permitir aos Concellos que cumprisen unha serie de requisitos, destinar o superávit a investimentos financieramente sustentables, unha definición de investimentos que recolleu o Decreto/Lei 2/2014, de 21 de Febreiro no seu DÁ 16. Estas excepcións en ningún caso deron satisfacción ás demandas municipais posto que as condicións para poder acollerse á medida eran importantes: rexistrar superávit orzamentario e remanente de tesouraría, que pagasen antes as débedas pendentes con provedores para cumprir coa lei de morosidade e destinar o sobrante a amortizar débeda.

Ao longo destes anos esta situación trouxo consigo un paradoxo: os concellos son a única administración en superávit, están saneados e cumpren o seu obxectivo pero non poden investir ese aforro.

Nestes momentos a administración local convertéronse na administración máis cumpridora cos obxectivos marcados: a débeda local xa chegou este ano aos obxectivos do 3% fixados para 2020, con catro anos de adianto; o superávit das Entidades Locais, achega ao cómputo total de España medio punto do PIB e tamén cumpre co teito de gasto e paga en prazo aos seus provedores.

Por iso, é ineludible que o Goberno atenda as demandas do conxunto dos concellos, e tal e como expuxo a FEMP na reunión da Comisión Nacional de Administración Local (CNAL) do pasado día 30, permítalles utilizar o superávit, que este ano rolda os 4500 millóns de euros.

Chegou a hora de que o Goberno escoite, e sexa sensible ás reivindicacións dos Concellos, cuxas demandas son xustas, razoables e necesarias para seguir pondo os intereses dos veciños por diante de calquera outro, e continuar levando a cabo investimentos, desenvolvemento e o fortalecemento do Estado de Benestar

Os gobernos locais son a administración máis próxima aos cidadáns, e máis nestes momentos de crises, o Goberno non debe pór trabas ao seu labor na prestación de servizos públicos de calidade.

Por todo iso, o Grupo Municipal Socialista do Concello de Neda presenta para a súa consideración e aceptación polo Pleno Municipal a seguinte MOCIÓN instando o Goberno de España a:

- Permitir que as entidades locais reinvidiquen o seu superávit en 2017, sen necesidade de xerar novos ingresos polo mesmo importe, a través dunha

autorización legal para esa reinversión que xurda da prórroga orzamentaria dos PGE.”

DEBATE: Sr. Cabezón Lorenzo: podemos apoiar esta moción sempre que se inclúan dous aspectos, que son os seguintes:

O pleno do Concello de Neda

1. Manifesta que o esforzo realizado durante os últimos 5 anos polas Entidades Locais, apoiadas dun xeito decisivo polo Goberno de España, ten permitido que a día de hoxe a situación financeira das facendas locais experimentase unha sensible melloría, de tal xeito que na actualidade un número importante de entes locais presentan superávit, sen que pola contra o nivel de débeda presente os niveis preocupantes que, alomenos de xeito global, supoñían en 2012.

2. Insta ao goberno de España a permitir que as entidades locais reinvestan o seu superávit en 2017, sen necesidade de xerar novos ingresos polo mesmo importe, a través dunha autorización legal para esa reinversión e, en todo caso, que se flexibilicen as normas relativas á regra de gasto, en consonancia coa mellor situación financeira que presentan as entidades locais.

Sr. Pita Galego: estamos a favor da moción pero queremos saber cal é cantidade que en concepto de superávit temos en Neda.

Sr. Alcalde: en canto teñamos os datos da liquidación orzamentaria, que se está elaborando, serán postos a disposición da Corporación.

Sr. Pita Galego: dende o noso grupo esperamos que o superávit que haxa non se xenere por inacción do goberno municipal na execución de proxecto que redunden en beneficio da cidadanía. Por exemplo, queremos novamente traer aquí a colación a solicitude de bonificacións de IBI a determinados colectivos e sempre que se cumpran cos requisitos establecidos, que temos feita fai tempo para que se estudase, e aínda non temos proposta algunha ao respecto.

Sr. Alcalde: temos que estudalas detidamente, xa que como se sabe as bonificacións de impostos son regradas por lei.

Sra. Pena Barcia: pido que a vindeira vez que se queiran facer emendas se fagan por escrito, e aínda que no primeiro punto nos gustaría facer matizacións, cremos que o importante neste momento é aprobar a moción, así que aceptamos as emendas de adición presentadas polo grupo municipal do PP.

VOTACIÓN: O Pleno en votación ordinaria e por unanimidade dos asistentes (12 votos), que constitúen maioría absoluta, presta aprobación á moción presentada polo grupo municipal do PSdeG-PSOE, coas emendas de adición presentadas polo PP, quedando o texto definitivamente aprobado co seguinte tenor literal:

“De acordo co previsto no Regulamento de Organización, Funcionamento e Réxime Xurídico das Entidades Locais, o Grupo Municipal Socialista do Concello de Neda desexa someter á consideración do Pleno a seguinte **Moción**

EXPOSICIÓN DE MOTIVOS

A Lei Orgánica de Estabilidade Orzamentaria e Sustentabilidade Financeira (LOEPSF) recolle as tres regras fiscais de obrigado cumprimento: estabilidade orzamentaria, débeda pública e regra de gasto.

O artigo 11.4 da LOPESF sinala que “as Corporacións Locais deberán manter unha posición de equilibrio ou superávit orzamentario”, mentres que o art. 32, referido ao destino do superávit, sinala que “este destinarase a reducir o nivel de endebedamento”.

A lei 9/2013 de débeda comercial, modificou a lei para permitir aos Concellos que cumprisen unha serie de requisitos, destinar o superávit a investimentos financieramente sustentables, unha definición de investimentos que recolleu o Decreto/Lei 2/2014, de 21 de Febreiro no seu DA 16. Estas excepcións en ningún caso deron satisfacción ás demandas municipais posto que as condicións para poder acollerse á medida eran importantes: rexistrar superávit orzamentario e remanente de tesouraría, que pagasen antes as débedas pendentes con provedores para cumprir coa lei de morosidade e destinar o sobrante a amortizar débeda.

Ao longo destes anos esta situación trouxo consigo un paradoxo: os concellos son a única administración en superávit, están saneados e cumpren o seu obxectivo pero non poden investir ese aforro.

Nestes momentos a administración local convertéronse na administración máis cumpridora cos obxectivos marcados: a débeda local xa chegou este ano aos obxectivos do 3% fixados para 2020, con catro anos de adianto; o superávit das Entidades Locais, achega ao cómputo total de España medio punto do PIB e tamén cumpre co teito de gasto e paga en prazo aos seus provedores.

Por iso, é ineludible que o Goberno atenda as demandas do conxunto dos concellos, e tal e como expuxo a FEMP na reunión da Comisión Nacional de Administración Local (CNAL) do pasado día 30, permítalles utilizar o superávit, que este ano rolda os 4500 millóns de euros.

Chegou a hora de que o Goberno escoite, e sexa sensible ás reivindicacións dos Concellos, cuxas demandas son xustas, razoables e necesarias para seguir pondo os intereses dos veciños por diante de calquera outro, e continuar levando a cabo investimentos, desenvolvemento e o fortalecemento do Estado de Benestar

Os gobernos locais son a administración máis próxima aos cidadáns, e máis nestes momentos de crises, o Goberno non debe pór trabas ao seu labor na prestación de servizos públicos de calidade.

Por todo iso, o Grupo Municipal Socialista do Concello de Neda presenta para a súa consideración e aceptación polo Pleno Municipal a seguinte MOCIÓN instando o Goberno de España a:

- 1. Permitir que as entidades locais reinvestan o seu superávit en 2017, sen necesidade de xerar novos ingresos polo mesmo importe, a través dunha*

autorización legal para esa reinversión que xurda da prórroga orzamentaria dos PGE.

- 2. Manifestar que o esforzo realizado durante os últimos 5 anos polas Entidades Locais, apoiadas dun xeito decisivo polo Goberno de España, ten permitido que a día de hoxe a situación financeira das facendas locais experimentase unha sensible melloría, de tal xeito que na actualidade un número importante de entes locais presentan superávit, sen que pola contra o nivel de débeda presente os niveis preocupantes que, alomenos de xeito global, supoñían en 2012.*
- 3. Instar ao Goberno de España a permitir que as entidades locais reinvestan o seu superávit en 2017, sen necesidade de xerar novos ingresos polo mesmo importe, a través dunha autorización legal para esa reinversión e, en todo caso, que se flexibilicen as normas relativas á regra de gasto, en consonancia coa mellor situación financeira que presentan as entidades locais.*

5º.- PROPOSTA DE MODIFICACIÓN DO ACORDO DE PERIODICIDADE DE SESIÓNS ORDINARIAS DO PLENO MUNICIPAL

Proposta da Alcaldía ditaminada pola Comisión Informativa de Asuntos do Pleno: O Pleno da Corporación Municipal en sesión extraordinaria de 2 de xullo de 2015, adotou acordo relativo á celebración de Plenos ordinarios, determinando que os mesmos se celebrasen o terceiro xoves dos meses impares ás 19 horas, agás os meses comprendidos entre xuño e setembro nos que a hora de celebración sería as 12 da mañá.

A actividade ordinaria municipal, o despacho de expedientes e os trámites perante outras Administracións Públicas, aconsellan modificar os días horas de celebración das sesións ordinarias plenarias, propoñéndose a tal efecto que as mesmas teñan lugar o cuarto luns dos meses impares as 12 horas, ao longo de todo o ano.

DEBATE: Sr. Alcalde: se logra con esta proposta un mellor funcionamento dos servizos municipais, porque ao facer os Plenos ordinarios os luns, hai de marxe toda a semana para despachar os asuntos, especialmente cando os trámites son perentorios.

Sr. Cabezón Lorenzo: estamos a favor.

Sr. Caaveiro Puentes: se o cambio obedece ao mellor funcionamento dos servizos municipais propoñemos que sexan os luns pola tarde, porque así non limitamos a participación dos veciños, e facéndoos pola mañá practicamente non queda tampouco tempo o propio luns para o despacho de expedientes. Cando teñamos un regulamento de participación cidadá e uns orzamentos participativos, non veríamos problemas en celebrar os Plenos a esa hora da mañá, a ademais, aproveito para dicilo, se cumpriría unha promesa electoral do PSOE.

Sr. Alcalde: xa estamos empezando a traballar nos orzamentos participativos.

VOTACIÓN: O Pleno, en votación ordinaria e por maioría absoluta, presta aprobación á transcrita proposta de Alcaldía, con 9 votos a favor dos Sres./as Concelleiros/as de PSdeG-PSOE, PP, E CG-Grupo Mixto, 2 votos en contra dos Sres. Concelleiros de MOVENEDA, e 1 abstención da Sra. Concelleira de BNG-Grupo Mixto, quedando convertida en acordo nos seus propios termos.

6º.- MODIFICACIÓN DO PROXECTO DAS ACTUACIÓNS DE “SUBSTITUCIÓN DE MARQUESINAS EN PARADA DE AUTOBUSES”

INCLUÍDO NO PLAN DE ACCIÓN SOCIAL - PAS 2015 DA DEPUTACIÓN PROVINCIAL DA CORUÑA.-

O Pleno coñece da seguinte proposta que formula a Alcaldía, previo ditame emitido pola Comisión Informativa de Asuntos do Pleno en sesión ordinaria de 16 de xaneiro de 2017:

Antecedentes:

a) Previo ditame da Comisión Informativa de Asuntos do Pleno, o Pleno do Concello en sesión celebrada en data 23 de novembro de 2015, acordou participar no Plan de acción social (PAS) 2015 da Deputación Provincial da Coruña, e aprobou igualmente o Plan complementario no que se incluíu a obra de “Mellora da eficiencia enerxética do alumado publico en Xerardo Luaces, Albarón e Mourela Baixa”.

b) Presentada en tempo e forma a documentación para participar neste Plan de acción social (PAS) 2015, pola Deputación da Coruña, notifícase, entre outros extremos que a obra "Mellora da eficiencia enerxética do alumado público en Xerardo Luaces, Albarón e Mourela Baixa" non pode incluírse no Plan complementario xa que as bases reguladoras do PAS 2015 establecen que as obras solicitadas neste apartado deben ter carácter social.

c) O Pleno do Concello, en sesión ordinaria levada a cabo o día 14 de marzo de 2016, aprobou a modificación do acordo tomado na súa sesión do día 23 de novembro de 2015, en relación ás obras a incluír neste Programa Provincial PAS 2015 e polo que respecta ao Plan complementario do mesmo, acordou a substitución das obras inicialmente incluídas e antes citadas de “Mellora da eficiencia enerxética do alumado publico en Xerardo Luaces, Albarón e Mourela Baixa”, polas que seguidamente se indican, das que igualmente aprobou o correspondente proxecto:

Investimentos financeiramente sostibles de carácter social	Orzamento
SUBSTITUCIÓN DE MARQUESINAS EN PARADA DE AUTOBUSES	35.173,16 €
TOTAIS	35.173,16 €

d) Ditas actuacións do Plan complementario do PAS 2015, estaban sometidas á autorización da Axencia Galega de Infraestruturas, e, unha vez obtida esta resulta que no parágrafo 6 das consideracións técnicas e legais sinálase a conveniencia de realizar o traslado uns metros da parada de autobús sita no PQ=II +490 marxe esquerdo da estrada AC-862 denominada parada de Pedrós Nº 3, no documento técnico, procedendo a localizarse ao remate da barreira metálica de seguridade da estrada AC-862 no mesmo marxe esquerdo; de tal xeito que as paradas efectuaríanse cun un maior grado de seguridade para os pasaxeiros na baixadas e subidas ao autobús.

Dita consideración non supón por si mesma a necesidade de modificar o proxecto inicialmente redactado e aprobado e así informouse no seu momento polos Servizos Técnicos do Concello, non obstante a fin de garantir a seguridade dos eventuais pasaxeiros do transporte do bus, por ditos Servizos Técnicos do Concello procedeuse á revisión do proxecto inicial a fin de adaptalo á recomendación realizada pola Axencia Galega de Infraestruturas e polo tanto modificouse o mesmo coa incorporación da suxestión realizada pola AXI contemplándose agora o traslado da referida parada e marquesiña denominada Pedrós Nº 3, non supoñendo esta adaptación do proxecto variación algunha respecto do importe do orzamento do mesmo.

En base os referidos antecedentes formúlase a seguinte proposta:

1º.- Aprobar o proxecto modificado das actuacións de SUBSTITUCIÓN DE MARQUESINAS EN PARADA DE AUTOBUSES, redactado polos Servizos Técnicos Municipais e que ascende ó importe total de 35.173,16 € incluído no Plan complementario do Plan de acción social (PAS) 2015 da Deputación Provincial da Coruña.

2º.- Manter nos seus propios termos o acordo adoptado polo Pleno municipal na súa sesión do día 14 de marzo de 2016, polo que se aprobou a modificación do acordo tomado na súa sesión do día 23 de novembro de 2015, en relación ás obras a incluír neste Plan Provincial PAS 2015 e complementario.

3º.- Dar traslado á Deputación Provincial da Coruña, mediante a incorporación no apartado correspondente da plataforma SUBTEL, do proxecto modificado e da certificación do acordo plenario da súa aprobación.

VOTACIÓN: O Pleno en votación ordinaria e por unanimidade dos asistentes (12 votos) presta aprobación á transcrita proposta, que queda convertida en acordo nos seus propios termos.

7º.- DACIÓN DE CONTA DOS REPAROS DA INTERVENCIÓN (DENDE 24/11/2016 ATA 31/12/2016)

Neste apartado pola Interventora municipal, en base o disposto nos artigos 213 e seguintes do Real decreto lexislativo 2/2004 polo que se aproba o Texto refundo da lei reguladora das facendas locais de 5 de marzo e o disposto nos artigos 4 e 6 do Real decreto 1174/87 de 18 de setembro polo que se aproba o Regulamento de funcionarios de Administración Local con habilitación de carácter nacional, fai constar o seguinte:

1º.-En virtude do establecido no artigo 215 do Real decreto mencionado anteriormente (2/2014), si no exercicio da función interventora o órgano interventor se manifestara en desacordo co fondo ou forma dos actos, documentos ou expedientes examinados, deberá formular por escrito os seus reparos antes da adopción do acordo ou resolución.

2º.-En virtude do artigo 218 do Real Decreto 2/2004, o órgano interventor elevará informe ó Pleno de todas as resolucións adoptadas polo Presidente da Entidade Local contrarias aos reparos efectuados. O contido deste apartado constitúe un punto independente do orde do día da correspondente sesión plenaria.

3º.-Que a relación de reparos emitidos pola Intervención municipal dende o 24/11/2016 ata o 31/12/2016 foi presentada o Pleno para o seu coñecemento.

4º.-Que ditos informes atópanse nas dependencias da Área de Intervención.

O Pleno toma coñecemento do asunto e queda enterado.

8º.- DACIÓN DE CONTA DO PERÍODO MEDIO DE PAGO A PROVEEDORES E MOROSIDADE 4º TRIMESTRE 2016

Os principios de estabilidade presupostaria e sostenibilidade financeira do sector público como base do funcionamento estrutural das Administracións Públicas resultan clave para o crecemento económico benestar social e contribuen a xenerar confianza no correcto funcionamento do sector público. Dada esta importancia, o lexislador redefiniu o principio de sostenibilidade financeira no artigo 4 da Lei Orgánica 2/2012, de 27 de abril, de Estabilidade Presupostaria y Sostenibilidade Financeira, incluíndo non so o

control da débeda pública financeira, sino tamén o control da débeda comercial. Co obxecto de controlar a débeda comercial e erradicar a morosidade das Administracións Públicas se esixe crear un instrumento, automático e de fácil aplicación, para que o seu seguimento permita un control xeneralizado e eficaz, que sexa comprensible tanto para as Administracións Públicas como para os cidadáns e, sobre todo, que sexa público de acordo co principio de transparencia recollido no artigo 6 da Lei Orgánica 2/2012, de 27 de abril.

Con este propósito, a Lei Orgánica 2/2012, de 27 de abril, introduce o concepto de período medio de pago como expresión do tempo de pago o retraso no pago da débeda comercial, de maneira que todas as Administracións Públicas, nun novo exercicio de transparencia, deberán facer público seu período medio de pago que deberán calcular de acordo con unha metodoloxía común que se concreta a través do Real Decreto 635/2014 de 25 de xullo. El período medio de pago definido neste real decreto mide o retraso no pago da débeda comercial en términos económicos, como indicador distinto respecto do período legal de pago establecido no texto refundido da Lei de Contratos do Sector Público, aprobado por Real Decreto Lexislativo 3/2011, de 14 de novembro, e na Lei 3/2004, de 29 de decembro, por la que se establecen medidas de loita contra la morosidade en las operacións comerciais.

La Lei 11/2013, de 26 de xullo, de Medidas de apoio ó emprendedor e de estímulo do crecemento e da creación de emprego, modifica no seu artigo 33, o artigo 4 da Lei 3/2004, xa citada, establecendo “1. El plazo de pago que debe cumplir el deudor, si no hubiera fijado fecha o plazo de pago en el contrato, será de treinta días naturales después de la fecha de recepción de las mercancías o prestación de los servicios, incluso cuando hubiera recibido la factura o solicitud de pago equivalente con anterioridad. (.....) 2. Si legalmente o en el contrato se ha dispuesto un procedimiento de aceptación o de comprobación mediante el cual deba verificarse la conformidad de los bienes o los servicios con lo dispuesto en el contrato, su duración no podrá exceder de treinta días naturales a contar desde la fecha de recepción de los bienes o de la prestación de los servicios.

En este caso, el plazo de pago será de treinta días después de la fecha en que tiene lugar la aceptación o verificación de los bienes o servicios, incluso aunque la factura o solicitud de pago se hubiera recibido con anterioridad a la aceptación o verificación.

3. Los plazos de pago indicados en los apartados anteriores podrán ser ampliados mediante pacto de las partes sin que, en ningún caso, se pueda acordar un plazo superior a 60 días naturales. (...)”

Do mesmo xeito, na súa Disposición Final sétima, modifica o artigo 216.4 do texto refundido da Lei de Contratos do Sector Público: “La Administración tendrá la obligación de abonar el precio dentro de los treinta días siguientes a la fecha de aprobación de las certificaciones de obra o de los documentos que acrediten la conformidad con lo dispuesto en el contrato de los bienes entregados o servicios prestados”.

Pola súa parte, a Lei Orgánica 9/2013, de 20 de decembro, de control da débeda comercial no sector público, modifica no seu artigo primeiro a Lei Orgánica 2/2012, de 27 de abril, de Estabilidade Presupostaria e Sostenedibilidade Financeira, incluíndo no apartado catorce unha disposición adicional quinta co seguinte tenor literal: “Disposición adicional quinta. Plazo de pago a provedores. Las referencias en esta ley al plazo máximo que fija la normativa sobre morosidad para el pago a proveedores se entenderán hechas al plazo que en cada momento establezca la mencionada normativa vigente y que, en el momento de entrada en vigor de esta Ley, es de treinta días.” A Administración, polo tanto, dispón dun prazo máximo de trinta días contados dende o seguinte á entrega dos bens o prestación dos servizos para aprobar as certificacións o documentos que acrediten a conformidade, e dispón doutros trinta días a partires desta data de aprobación para proceder o pago do prezo sen incorrer en mora. O inicio do cómputo do período medio de pago, tanto das operacións pagadas como as pendentes, polo que se refire ós Informes de Morosidade se computa, con carácter xeral, dende a recepción da factura

Pola Interventora Municipal e dando cumprimento ao establecido na lexislación anterior, a cal determina a obrigatoriedade das Corporacións Locais de elaborar e remitir o Ministerio de Facenda e Administracións Públicas, sen prexuízo da súa presentación e debate no Pleno, un informe trimestral sobre o cumprimento dos prazos previstos para o pagamento das obrigas de cada Entidade Local, se da conta ao Pleno dos mesmos.

Ditos informes deberán estar referidos ao último día de cada trimestre natural e acompañados da documentación correspondente.

De seguido tamén se da conta sobre o período medio de pagamento correspondente os períodos indicados, que establece o Real decreto 635/2014 de 25 de xullo.

En ámbolos dous casos achégase a pertinente documentación que se pon a disposición de tódolos presentes.

O Pleno toma coñecemento do asunto e queda enterado do mesmo.

1.- Cuarto Trimestre de 2016: PMP

ENTIDAD	RATIO OPERACIONES PAGADAS (días)	IMPORTE PAGOS REALIZADOS (€)	RATIO OPERACIONES PENDIENTES (días)	IMPORTE PAGOS PENDIENTES (€)	PMP (días)
NEDA	-20,83	685.427,82	-23,91	120.361,77	-21,29

PMP GLOBAL	685.427,82		120.361,77	-21,29
-------------------	------------	--	------------	--------

Periodo Medio de Pago Global a Proveedores Trimestral: (21,29)

FORA DA ORDE DO DÍA

A concelleira do BNG, Sra. Bouza Bellón, expón brevemente o contido da moción, e seguidamente ábrese:

DEBATE SOBRE A RATIFICACIÓN DA URXENCIA: Sr. Cabezón Lorenzo: estamos en contra da urxencia da moción porque queremos saber previamente cómo está o proxecto de ampliación da depuradora?

Sr. Alcalde: como sabedes non é unha obra nosa.

Sr. Cabezón Lorenzo: nos últimos anos tratouse de que Neda quedase autónoma en saneamento e depuración, e todavía non temos solución a estas continuas demandas. Así que non debería afectarnos o contido desta moción.

Sra. Bouza Bellón: hai zonas limítrofes entre Concellos que si que están afectadas, e tamén determinados ámbitos da nosa zona rural.

Sr. Cabezón Lorenzo: falta documentación por aportar, e non imos ratificar a urxencia.

De conformidade co preceptuado no artigo 91.4º do Regulamento de Organización, Funcionamento e Réxime Xurídico das Entidades Locais, e previa ratificación da súa urxencia por maioría absoluta, con 9 votos a favor dos Sres./as Concelleiros/as de PSdeG-PSOE, MOVENEDA e GRUPO MIXTO, e 3 votos en contra dos Sres./as Concelleiros/as do PP, pasase ao estudo do seguinte asunto:

MOCIÓN DO BNG SOBRE SANEAMENTO EN ZONAS LIMÍTROFES

A concelleira do BNG, Sra. Bouza Bellón, da lectura á moción do seguinte tenor literal:

“Moción sobre saneamento en zonas limítrofes

EXPOSICIÓN DE MOTIVOS

O impulso ao saneamento debe ser unha das prioridades das administracións que teñen competencias neste servizo de primeira necesidade. Nos últimos tempos, téñense dado pasos importantes na extensión da rede de abastecemento e saneamento das áreas periurbanas dos diferentes concellos, incluído Neda, mais non é menos certo que nalgúns casos o ritmo co que se están a acometer non é todo o intenso que debera.

O desenvolvemento da rede de saneamento agocha certa complexidade, principalmente técnica, motivada sobre todo por fortes condicionantes como a propia orografía. Así, os proxectos para dotar deste servizo básico diferentes puntos dos concellos, sobre todo en zonas limítrofes, terán que ter en conta esta circunstancia. Na maioría dos casos, e atendendo á dispersión da poboación propia do noso país, trátase de proxectos que non se executaron ou executan integramente nun mesmo termo municipal, co que foi –e é preciso a colaboración institucional para poder levalos a cabo.

A este respecto, e alén do esforzo das administracións locais, cremos crucial a implicación da Xunta, a través do ente Augas de Galiza. Recentemente, este mesmo organismo publicou os convenios asinados cos diferentes concellos galegos entre xuño e agosto de 2016 para a execución de proxectos de saneamento e dos que ficaron excluídos tanto Neda como os municipios limítrofes de Narón, San Sadurniño e Valdoviño. Os criterios cos que se levou adiante a repartición destes fondos non foron tampouco excesivamente transparentes.

A nosa proposta parte da base de que a implicación do ente público Augas de Galiza co saneamento dos concellos galegos ten que continuar, mais cun procedemento máis obxectivo. Así, Augas de Galiza ten que achegar o financiamento preciso para rematar os proxectos iniciados e encetar aqueloutros que aínda non están en marcha, mais para iso ten que elaborar un novo baremo que, en primeiro lugar, “compense” aos Concellos que, polos motivos anteriormente citados, non se beneficiaron deses fondos e, posteriormente, pór en marcha un sistema de repartición dos cartos que se sustente nes mesmos criterios de transparencia e obxectividade.

A ese respecto, e co fin de contribuír na posíbel solución dos problemas e das diferenzas, consideramos que xa existen modelos axeitados para avanzar na ecuanimidade –o caso máis recente do Plan Único da Deputación da Coruña pode ser un deles-, establecendo un baremo que teña en conta variábeis como a superficie e a dispersión dos núcleos de poboación.

Por todo iso, o Pleno da Corporación Municipal de Neda

ACORDA:

1. Instar ao organismo público Augas de Galiza a elaborar un Plan de Actuacións que fixe uns criterios obxectivos para a repartición futura de fondos destinados ao saneamento das zonas rurais e limítrofes e que inclúa tamén o criterio de compensación das actuacións aprobadas nos últimos meses.

2. Instar ao goberno local de Neda a promover unha xuntanza cos Concellos afectados –no noso caso, San Sadurniño, Valdoviño e Narón- para abordar as necesidades de saneamento nas zonas limítrofes e elaborar un informe para o seu posterior traslado ao organismo público Augas de Galiza.”

DEBATE: Sr. Pita Galego: ao fío do manifestado no debate de ratificación da urxencia da moción, a zona de Viladonelle que está pendente de conexión xa se podería facer, verdade? Porque a canalización xa está feita.

Sr. Alcalde: está casi feita, pendente de rematarse a obra, e despois xa se podería conectar.

VOTACIÓN: O Pleno en votación ordinaria e por maioría absoluta, con 9 votos a favor dos Sres./as Concelleiros/as de PSdeG-PSOE, MOVENEDA e GRUPO MIXTO, e 3 votos en contra dos Sres./as Concelleiros/as do PP, presta aprobación á transcrita moción presentada pola Concelleira do BNG, que queda convertida en acordo nos seus propios termos.

9º.- ROGOS E PREGUNTAS

Intervén en primeiro lugar o **Sr. Cabezón Lorenzo, portavoz do grupo municipal do PP**, quen formula a seguinte pregunta:

1.- Hai problemas coa pasarela do Río Beelle?

Sr. Alcalde: aparentemente sí, e por tanto se solicitou un informe ao Arquitecto municipal a instancias de Moveneda.

Seguidamente intervén o **Sr. Caaveiro Puentes, concelleiro do grupo municipal de MOVENEDA**, quen formula os seguintes rogos e preguntas:

1.- En materia de participación, queremos formular unha queixa, porque hai documentación e informes que solicitamos fai un ano, como o contrato e a ampliación suscrita con Viaqua, e a instalación do ascensor na Casa do Concello, e aínda non se nos deu. Un ano de espera é moito tempo. E pedimos simultaneamente que se faga un plan de contratación de persoal municipal de xeito urxente.

2.- En canto a algunhas mocións que aprobamos plenariamente, como a do TTIP, ou a de loita contra a pobreza enerxética, non se fixo ningunha publicidade sobre as mesmas, nin charlas informativas ou actividades semellantes, parece que da a impresión de que aproban de cara á galería. Pedimos ao goberno municipal, que lle dea mais pulo ás mocións aprobadas, como por exemplo as dúas citadas.

Sr. Alcalde: o ataque informático sufrido polo Concello retrasou moito estes temas. Non obstante teño que informar que en canto a segunda das mocións citadas, a Concelleira de Servizos Sociais púxose en contacto coas empresas de suministro de enerxía eléctrica para que os cortes de enerxía previstos se comuniquen antes aos servizos sociais municipais.

Sr. Caaveiro Puentes: no caso do TTIP non se fixo nada, así que si o goberno municipal non vai facer nada, reitero a nosa idea de que é mellor que voten en contra cando Moveneda presenta moción deste tipo. Neste caso quizás o goberno municipal procedeu a súa aprobación, porque coincidía en algo co ideario do PSOE!.

Sra. Pena Barcia: a moción foi cursada aos órganos competentes, toda vez que o TTIP non é competencia do Concello de Neda, nin polo tanto, do seu goberno municipal.

3.- Queremos preguntar en qué estado se atopa o plan de actuación contra as inundacións.

Sr. Alcalde: está en fase de estudo.

Sr. Caaveiro Puentes: nun acta de Xunta de Goberno Local se dicía que Augas de Galicia esixía que para a instalación dunha comporta no Río Beelle, previamente se tiñan que avaliar as consecuencias, e preguntamos ¿isto se ten feito cando se fixo a presa do Río Basteiro?

Sr. Alcalde: son esixencias dos técnicos de Augas de Galicia, que son os que están estudando o asunto.

Sr. Caaveiro Puentes: quizás si este estudo do Río Beelle se houbera feito tamén para o Río Basteiro, se houbera chegado a unha solución mellor.

Sra. Balsa Alonso: hai que remarcar que quen actúa en ambos ríos é Augas de Galicia, que é o organismo con competencias para elo, non o Concello.

A continuación intervén o **Sr. Pita Galego**, portavoz do grupo municipal de **MOVENEDA**, quen formula os seguintes rogos e preguntas:

1.- Queremos saber cómo está o Plan estratéxico de mantemento de infraestruturas? Esperamos que non sexa simplemente unha actuación puntual por un veciño que ven reclamar, e así ata a seguinte reclamación. Por exemplo, en Xuvia cada vez hai mais beirarrúas cortadas por vivendas ruinosas, hai que darlle unha pronta solución a este problema.

Sr. Alcalde: a través do POS + 2017, imos abordar todo o tema de infraestruturas, a través de múltiples inversións.

Sra. Pena Barcia: moitas das vivendas ruinosas de Xuvia están protexidas por Patrimonio, e so se poden tocar para rehabilitalas, de xeito tal que os valados están para protexer ás persoas. Dende o Concello xa estamos requirindo aos propietarios para que cumpran cos seus deberes de conservación.

2.- Na Escola Infantil se instalou o parque de xogos de nenos, por certo con reparo de Intervención, e queremos preguntar se xa se acabou a obra?

Sr. Alcalde: si, agora falta a inversión de 18.000 con cargo ao convenio pendente coa Consellería de Política Social da Xunta de Galicia.

Sr. Pita Galego: non se vai instalar un solo acolchado?

Sra. Pena Barcia: de momento non, porque o solo de césped que se puxo cumpre coa normativa.

3.- En canto ao arranxo do tellado do pavillón polideportivo, preguntei por este asunto en Comisión Informativa, e o concelleiro de deportes me dixo que non se lle ía devolver a fianza ao contratista. E pregunto agora, se vai tomar algunha medida máis?

Sr. Seijo Martínez: veu outra empresa, reparou o tellado, e de momento non da problemas, esperemos que quede definitivamente arranxado.

4.- Polo que respecta ao “Boletín Neda no camiño” pedimos que se faga un regulamento que determine os temas que se van tratar e quen pode participar no mesmo.

Sr. Alcalde: son opinións vosas, pero nos pensamos que non é necesario un regulamento, e en todo caso é un Boletín público.

5.- Queremos saber se xa se está aplicando a sentenza do Tribunal Supremo que permite o cobro de instalacións en superficie, incluído o voo, as empresas suministradoras de enerxía eléctrica?

Sr. Alcalde: nos coordinaremos coa FEMP e a FEGAMP.

Sr. Pita Galego: tamén hai que estudar a Ordenanza fiscal número 8 que temos en vigor.

E non habendo máis asuntos que tratar na orde do día, polo Sr. Alcalde levántase a sesión cando son as dezanove horas e cincuenta e cinco minutos do día sinalado no encabezamento, de todo o cal esténdese a presente acta, do que eu, Secretario, dou fe e certifico.

O Alcalde

O Secretario Xeral